

**DIGITAL
COPY**

حالدار

غلام حسین شوہار



جالباد



Digitized By M. Y. M. B

غلام حسین شوہاز

۳
جالب

دای جہاں بہت انت جالب بہت بات
منہ زہیہ رانی یا تگار بہت بات

کس بے جُست وِ اے کتاب وِ یا ایشی وِ بہرے چاپ
وِ شنگ کت نہ کنت

کتاب وِ نام _____ جالبار
شاعر _____ غلام حسین شوہاز
سال _____ فروری ۱۹۹۴ء
دانگ _____ یک ہزار
بہا _____ / ۵۰ کلدار
سرتاک _____ شکر اللہ
کتا بت _____ عیسیٰ سر بازی - کراچی

کس مبات چھی مبات اء چھ مبات
 بید تو بھنور سچات پیردان سچا

- نام : ——— علامہ حسین
- پنام : ——— شوہاز
- ہد امر زین پت و نام : مزار کہد ابشام
- بن جاہ : ——— پجات شیہ زنگی نگور
- پیدائش : ——— ۱۹۵۷ء
- تعلیم - ابتدائی : ——— پرائمری اسکول پجات
- مڈل : ——— مڈل اسکول بالیچہ
- ہائی : ——— ہائی اسکول شپ
- انٹر : ——— ڈگری کالج تربت
- بی اے : ——— ایس ایم آرٹس کالج کراچی
- ایم اے صحافت : ——— کراچی یونیورسٹی سندھ

ہمائی نام —

کہ بیدائیء منیٰ جندہم
سرحم نہ انت

پیشے کا لہ

ڊچ پينٽر ونسٽ وان گاگ VINCENT VAN GOGH

اروپاءِ هما اکس ڪٿاڻا ڇه پيٽي بوتگ ڪه آئي ۽ همسر ۽
هم عهدا آئي ۽ ازم نه منتگ ۽ آئي ايش مدام ڊالچار ڪتگ
هه ڏول مان نيادي ۽ هم آئي ۽ اڏڪتگين عڪس ۽ نقش
بهانه بوتگ انت ، هالانڪه آئي ۽ برات مان پريس ۽
يڪ نامداري آرٽ پروموٽرے بوتگ۔ بے مروجي هما
نامرادي وان گاگ ۽ عڪس ۽ نقش دنيا ۽ مستري آرٽ
گيلرياني زيب ۽ ڪروٽ ها ڪلدار ۽ هم دست نه ڪپانت۔
بندر ۽ لاشعوري طور ۽ وان گاگ يڪ —

IMPRESSIONIST بزاں تاثيريت پسند پينٽرے بوتگ ،
ڇي ۽ ڪه نا و آئي ۽ پينٽري ۽ قائد قانود زانتگ انت
۽ نيڪه آهي ازم ۽ بنيادي عناصر بزاں COLOUR ۽ TONE ۽ LINE
۽ حساب داد ۽ معلوم دار بوتگ۔ آوتي دور ۽ يڪ
بے ساري مجنا ۽ ڀه وٽي ازم ۽ گاري ابدالے بوتگ۔

آئی ء ہر ندرگ یا ہر چیزے کہ دیتگ ، آراہا وڑء
 CONVAS ء سرائقش کتگ انچو کہ آئی ء وقی ارواح ء
 جہلانکیانی تہ ء آ چیز یا ندرگ مار ایتگ ۔ اے آئی ء
 ارواح ء ہمے بے لگایں زور بوتگ کہ آئی ء نام نی ابدما
 ء آئی ء اڈکتگیں عکس ء نقشان ء نمیران کتگ ۔
 وقی دوئیں دانکاں گوں ہمے پتار ء بئنج
 کنان ء لوٹاں کہ ونسٹ وان گاگ ء زند ء ازم ء
 بابت ء ہستیں دور ء نامی این قلمکار ارونگ اسٹون

(IRVING STONE) ء نوشتہ کتگیں BIOGRAPHY

بزاں زند احوال لسٹ فار لائف LUST FOR LIFE ء
 چہ یک تاکدیے اداپیش بہ کناں کہ مدّ تے بیت من ء
 متاثر کتگ ء منی دل ء نقش انت ۔ آئی ء بلوچی اے
 وڑ انت :-

”تیوگیں روچ ، ماں مسکیں ڈگاراں گلہ ء کشارانی
 عکسے اڈکنگ ء زند وان گاگ ء پینٹنگ ء کاربوج یکجا
 گت ء وقی بڈ ء جت انت ، ء دیم پہ بازار ء رھاگ
 گیت ۔ آہمکہ گشادگامی ء گوں روگ ء ات کہ آئی ء
 زوت چہ وت ء سریک پیر مرد ء بچکے ء راشٹ ء
 رسینت کہ آہم ہمے کشک ء سرء میزان میزان سیٹل

کنان ء روگ ء ات انت۔ وان گاگ ء پیر مرد جاہ یاور
 کہ نام ئے رولین ات ء بازار ء پوسٹ مین ات، چی ء
 کہ برے برے بازار ء کیفے ء تہ ء وان گاگ آئی ء کش
 نندوک بوتگ، ء آئی ء واہش بوتگ کہ گوں آئی ء ہبر
 بہ کنت، بلے موہ ئے کدی ہم نہ رستگ۔ نزدیک ء
 سربیک ء گوں هوری وان گاگ ء مرد ء را سلام کت:
 ”رو بہ خیر۔۔۔ واجہ رولین“

”ہا، منی واجہ۔ اے تو ئے پنٹر صاحب“ پیر
 ء درائینت، ”رو بہ خیر۔ تو د زان ئے مروچی یک شنبے
 انت، ء من گوں وتی گونڈو ء پہ بیگاھی سیلے ء درکپتگاں“
 ”ہو۔۔۔ مروچی هوا ہم سک وشس انت“
 وان گاگ ء ہبر دیمابر ت۔

”جی هو، سک وشس انت، بلے اگاں همے شوہیں
 لوارمہ کشس ایت گوں۔ باریں هالاں دے، مروچی عکسے
 اڈات کتگ یاناں؟“ پیر مرد ء جست کت۔
 ”جی هو۔“ وان گاگ ء درائینت
 ”واجہ من یک نابزانتیں مردے یاں، ء آرٹ
 ء بابت ء ہچ ہم نہ زاناں۔“

بلے اے پمّن پہر مندی یے بیت تو اگاں (ہمے عکسء)
 منء پیش بدار ئے " مردء گشت -
 "گوں دلوشی -"

"چو گُشانء وان گاگء وتی کوارء چہ یک
 کنویسے کش اتء مردء دستء داتء مردء تاں
 شتریں دمانے ہمے عکس چارت عید درائینتے؛
 "واجہ من پداگشاں کہ من ہچ مزانتیں مردے یاں
 منء بہ بخش - بلے ہمکہ گشاں کہ تئی گلہء کشار ہمکہ
 زندگ انت، انچو کہ کے دیر ساری ماترا آیانی تہء عکس
 کشیء کارء گلائیشء دیستگ ات - ایشیء چہ گلہء
 بوہ ہم آیک انت "

"گر طابزاں ترا اے عکس دوست بیت "
 وان گاگء جُست کُت -
 "گشت نہ کناں - من بس ہمکہ زاناں کہ ایشیء
 منی اے ہندء اثر کتگ - " عو چو گُشانء مردء دست
 وتی دلء سرء ایرکت -

ورنہ فکرء ورنہ جوزہیں غلام حسین شوہازء

● — کچ ۽ بُرزیں چنال ، سستی ۽ زمیں ترانگ ۽
گیجگ ۽ انت ،

● — میر نصیر خان ۽ کوٹ ، مٹے را جد پتر ۽ دیری
پاداں دل ۽ آرگ ۽ انت ،

● — سیوی ۽ بازار ، سرمگیں بولان ، چلتی ۽
مُردار ۽ ماتکوه دیما گردگ ۽ انت ،

● — بھار سنج ۽ خاریں دلیبرانی پلّیں کنگ ۽
بینگ تائیں ہبر گیر آگ ۽ انت ،

● — ۽ چہ درستان گیش ، سنگین ۽ گراں نازیں
بانور ۽ آئی ۽ نگرہیں مُندریک ، سیمیں گنل ،

زریں منگلک ۽ باؤ بند ، سنگ ۽ طلاٹیں چوڑیگ ،
ژلانگوکیں پادیک ، آسکیں گردن ۽ زریں جوگ ، گردیں
سرد ۽ درپشویں ٹک ۽ قید ، چندنیں جگ ۽ مھکیں
ٹاسین ، رستگیاں پونز ۽ چاگرد ۽ تپوکیں مٹگ ، گرانزیک
۽ گبلیں پلوہ ، گوشانی بُراہ ناک ۽ والیک ، ہتی رجتگیں
دست ، نیم خاریں چٹانی کخیل ، مھرگ ، الماس ۽ کھربا ،
ادل ۽ جار جٹ ، بزاں ہمے کلتیں سھت ۽ زیوراں
گوں سمبھتگیں بانوری بالادے ۽ دکشیں تصویرے گوں

وقتی TOTALTY ہذاں کاملیت ء چانی دیمآ آگ ء انت
 بلاشک فکر شاعری ء مجگ انت، بے شاعری
 نمہ دار ء دولداریں لفظانی ابنید فلسفہ، نظریہ، پراپیگنڈا
 ء دگہ ہرچی بوت کنت، بے شاعری بوت نہ کنت۔ ء پدا
 ہمی نمہ داریں لفظاں وھدے شاعر یک پھتہ دستیں
 چکن کارے ء وڑا ہمد ء ہم دپ کنت، گڑا شعرانی جمالیاتی
 عنصر فکر ء ابلاغ ء آسان ء آئی ء IMPACT ہذاں اثر ء
 گیش ء پائیدار کنت۔ ہمیشکا منی دل ء فکر اگاں شاعری
 مجگ انت گڑا AESTHETICS ہذاں جمالیات آئی ء ارواح انت۔
 ”جالبار“ ء نام ء نز آور تگیں شوہاز ء شعرانی
 وانگ ء رند منی اولی IMPRESSION ہذاں تاثر ایش انت
 کہ شوہاز ء DICTION ہذاں لفظ انبار سگ RICH ہذاں
 پُر گنج ء ORIGINAL ہذاں زگر انت۔ دومی تاثر ایش انت
 کہ ابید چہ یک دو ہنداں، لفظانی کماگ ء کار مرزیک
 قدرتی روانی ء EASE ء گوں کنگ بوتگ کہ آئی ء تہ ء
 CRAFTMANSHIP ہذاں زور کار سگری ء تاثر کم گندگ
 کشیت۔ انچو معلوم بیت گشتے زانا فکر ء ہیاں ء آگ
 وھد ء شوہاز لفظ شوہاز نہ کنت بلکہ لفظ گوں فکر ء

ھیال ءِ همراه ءِ ہم گام کاہنت ۔ دگہ یک چیزے کہ من
 مار اِتگ، آایشس اِنت کہ شوہاز ءِ فکر نا و گڑ مَنج ءِ
 ہیچیدگ اِنت ءِ نیکہ شعوری طور ءِ یاگوں زور کارگیری ءِ
 آفکر ءِ گوں لفظانی ہیچ ءِ تاب ءِ گڑ مَنج کنت ۔ شوہاز ءِ
 فکر ءِ اظہار ءِ ابلاغ تچک ءِ روان اِنت ۔

لھتے نقدکار بلکن شوہاز ءِ شاعری یا آئی ءِ مستری
 بہرے ءِ شکرگالیں فاضل یا بلوچی ءِ ایدگہ کلاسیکی
 یا عہدی شاعرانی گیگان یا خوشہ چینی لیک اِنت، بلے
 منی دل ءِ لفظ یا ڈکشن ہمک زبانے ءِ شاعر ءِ قلمکارانی
 صورتیں میراث اِنت ۔ ہمک شاعر یا قلمکار چہ ہے لفظ انبار
 ءِ دتی زانت، جوازت ءِ قدرت ءِ بخش تگیں بود ءِ
 گوں لفظ کار مرز کنت ۔ کمال کسے ءِ گور ءِ لفظانی
 گیشی نہ اِنت، کمال ہے لفظان ءِ پہ راہ راہبند،
 آیانی فطری تب ءِ قدرتی EASE ءِ گوں شعری یا نثری
 قالب ءِ آرگ اِنت ۔ اِدامن انگریزی ءِ پہ درور پیش
 کناں ۔ مزین ڈکشنریز یا لغات ءِ تہ ءِ انگریزی ءِ کم گیش
 کلیں لفظ ہست ءِ موجود اِنت ۔ بلے ہر کس ہے لفظانی
 کار مرز ءِ گوں شیکسپیر، ورڈز ورثہ، شیلے، ملٹن یاٹن سن

بوت نہ کنت۔ چو پرے ہاتر ء کہ لفظ ء ہستی یا زانگ
 یک ہبک ء لفظ ء را آئی ء فطری رنگ ء چاگرد ء
 پہ راہ ء رہبند کار مرز کنگ کارے دگہ۔ ء پدا اے
 ہبرہم دلوکش کرزیت کہ بد ڈول ء بد مزگیں لفظ ء
 کار مرز و عیبے ، بے ڈولدار ء نمہ داریں لفظ ء بد ڈول
 ء بد رنگیں کار مرز مستریں عیبے ۔

شوہاز ء شاعری ء ہے یگیں تہر ء سر ء وتی کچ
 ء کساس ء یک نیم بُندگیں چشانکے دیگ ء گوں
 هوری من آئی ء شاعری ء میرٹس ء ڈی میرٹس ، آئی ء
 تکنیک ، اسلوب ء آئی ء فکر ء خیال ء گران ء سنگینیں
 کار ء پہ سخن زانتیں کو اس ء کتہ کاریں نقاداں ویل کناں ۔
 شوہاز انگت ورنا ء آئی ء فکر ء جوزہ ہم ورنا
 انت۔ آ انگت باز شاعری کنت ہے وڑ ء آئی ء شاعری
 ء فکر ء سر ء دلجمیں ء سرجمیں شرگداری ہم بیت
 ء الم ء بیت ، چی ء کہ آئی ء شاعری شرگداری
 کرزیت ! البت منی گڈی دانک ہما انت کہ
 رولین ء کتگ ، بزاں :

اے پمن پہر مندی یے کہ شوہاز ء چو مز ناییں

وان گاک ءِ وُتی شعر منی پمیں کم سواد ءِ ح مح مزانستیں
 رولین ءِ پیش داشتگ اُنت - نون من چو کہ سخن زانته یاں
 نیکہ نقد کار ، پیشکابس ہمکہ گُشاں کہ شوہاز ءِ شعراں
 منی اے ہند اثر آماج کتگ — بزاں دل !!

بلوچی سبزیات

محمد بیگ بیگل

کراچی ۵، دسمبر ۱۹۹۳ء





دنیاء بے چو بیتگ،
 گاہے دل منیے گیمرتگ
 گاہے پہ ہیا لے کپتگ
 برسئیل و شکار و رفتگ
 ”ٹوٹو“ شوہاز کہ زرتگ
 دیم پہ آگیا ہیں جبت و
 اودا شامراد و چیات و
 مرگاں واہو و پریات و
 شاتل و کپوت باز بیتگ
 یچے پہ گوئے شرنشتگ
 ہنچو توار کتگ ”ٹوٹو“ و
 لگت بڑگیں شاتو و
 کپتگ اندرون و جو و
 بیہوش بیتگ چہ کوکو و
 مرغی و ش ہوا و ہو و انت
 باند امے شکار و شو و انت

مرحباں ٹوٹوانی دورِ انت
 پہ تیری دانگِ چور چورِ انت
 گوں ما ٹوٹوئے تیر گارِ انت
 مھلوک شور وءِ ہیل دارِ انت
 شہرِ ترستِ تیر گرانِ انت
 یگیں یوسفِ دکانِ انت
 ہردو ڈبیاں سدِ مانِ انت
 کیمتِ دہ دہءِ تاوانِ انت
 سوداگرِ مئے مڈاِ انت
 ہر روجِ ہشتِ تلاءِ انت
 کوچِ پٹیتِ برے لڈانِ انت
 دشتِ منزیلِ کڈانِ انت
 ہر روجِ گشتِ اتِ بیامڈا
 زرّے لائیناں زیرِ کُلّے
 بندِ ماں گاڑیاں طلّے
 کراچی بہ کنتِ مئے جَلّے

گنداں چو کہ من ملاء
 وپتگ سرشپ ء بانگواہ ء
 صُحب ء بتگ ء نیمروچ ء
 دکانی پچنت بیگاہ ء
 سندھ ء ونتگ یے اکرطوبا
 هر وهد ء دپ ء کشیت ساہ
 دست ء دنت سکن پچ گیت ناہ
 برنج ء کنت کنگ کشک ء راہ
 نام ء و تکرطیے ملاء
 ڈن ء رستگیں گور کاہ
 زاناں یل نہ دنت مچات ء
 بل ء سورگ ء کلچات ء
 کراچی ء نہ روت مئے ملاء
 کانگاشک پچیت بے چل ء
 هر روچ پانگ انت تندور ء
 سرگپتگ مدامی سور ء
 جہاز نہ بیت مہریاں !

نور خان بزمجو

گُش اُنت

زیادھیں درد ء گیشتریں اومان گُش اُنت
بڑگیں شیمہ ء ہائل ء سوزمان گُش اُنت

آتالگیں ڈکال ء نہ گت ایرجیگ ڈیل منی
ٹپٹل ء ٹھلائی من ء توپان گُش اُنت

سوھویں ملّا ، زیارتی مُنچار ء پکیر
گوں وتی مندراں سرجمیں علماں گُش اُنت

گوالگ ء پاتاں وھل کت اُنت میرانی برنک
بزرگراں ہلک ء مُشتگیں جوهان گُش اُنت

گوارگ ء پھلائی تلاء رنگیں دروشم ء
کمر ء بے واکیں پانگ ء باگیان گُش اُنت

دست نہ رستی کہ جوڑ کنت زانت ء بے شرپ
کستی ء چوہا ، کستے ء گیگان گُش اُنت

ھرچ د پار گاجیل اِنت دپ ء ویشیں وردن ء
کپتگیں مرد ء رتگیں دنتان کُش اِنت

گلہ ء برنج وت نوش کت اِنت گیگے مھتراں
ناں پچاں هورک ء ها لیگیں هیران کُش اِنت

جمبری شینک ء واڈھ ء استاگل اِنت
ماں پر رتگاں تش ء ہرگ ء سندان کُش اِنت

گوانزگی گوگاھاں نزا ننت کاریں بِلک ء
بندگ ء مورت ء کچلیں درمان کُش اِنت

گوشت کے ء، گونگیں سنگت ء براتان ء شوہاز
مادریں ہنکین ء تھ ء زندان کُش اِنت

وشّیں باندات

برزتر ءُ بالا چہ گریشگی کوٹاں
 یاچا مات کوھیں گر ءُ گٹّاں
 سر بکشتا انت کوکر ءُ استین
 پیٹواں سر گواتے کنات ایرجیگ
 ہو ر بگوارات ءُ ہار بملّات انت

تَنبِیگیں ڈیجھ ۽ میسکنیں ڈنّاں
 گلزمین ماتیں پہ اُجب رنگے
 شربردینات سیرِ گومازاں
 ہلکواں رُمبات اُنت رَمگ رُمبیں
 ڈاچی ۽ پُرّاپ، گوک مزں سُرُمبیں
 تر و نگلیں سرگوار چہ شیرکنیں ترمپاں
 لُنڈکاں بات اُنت ہوٹک ۽ کھنیگ
 دل مراد بات اُنت بے مرادانی
 سربتگ بات اُنت کیلگاں وشی
 شگرب ۽ مگرب ہرچہ چارگنڈاں
 کودکی وز میں شادھے بیایات !
 پوگسین زرد ۽ ہرشم ۽ ترک ۽
 مھر ۽ سوگاتیں بینگے بندات
 ماہل مد گنجیں شلی شاری
 سگیں امروز ۽ وشیں بانڈات ۽
 مہلبیں بانگوواہ ۽ سحرگاہاں
 جنتراں دروشات اُنت گلے گندیم
 جنتراں دروشات اُنت گلے گندیم

سنگین

جی ملوک سنگین ۽ گران نازیں،
 جی ترابات انت سہزار بات انت
 بیا تئی مھر ۽ کسواں و شیں
 دل منی در بست ۽ گدائی کت
 تو منی پلپیں و اھگاں گواچار
 من تئی جیگ ۽ گوں دناں میناں
 بیا ترا چار کلمے براں جوانیں
 پہ ھلو ھالو ۽ کناں با نور
 چہ ھنیاں دُرج ۽ کر مزیں تاس ۽
 من ھک بوگ ۽ تئی رجاں وزے
 سر گوپے کاراں سوھویں پر تو
 تئی ڈکمیں میداں پہ وڑے رندایت
 لنگکاں مار یگ نگر ھیں مندریک
 مان کنت گوشاں کتلاں سمیں

منگلیگ دست ء باؤ بند باسکاں
 سَنگہ ء چوڑیگاں تلاھیناں
 پاداں تئی پادیکاں ژا لانگوکیں
 گردن ء آسکیگ ء جوک زریں
 جُتک بیت وزمے گوں کپ ء کوداں
 طِبک ء قید دُرشوکیں، سرء گردین
 چَند نین جیگ ء مھمیں ٹاسین
 سے ء چار رنگیں ریشمیں ٹوئیگ
 سیوئی پنگ ء ناستگیں میدیگ
 بُراہ تئی گوش ء نالک ء والیگ
 باڑیگاں کولیگاں کناں سیلیگ
 پنچگ ء طھیں گب سپاھانی
 کنجل انت چم ء آیات قرآنی
 مھرگ ء الماس کھر باسنگیں
 ادس ء جار جٹ گون ء گون رنگیں
 مِلک ء گرانزیگ ء پلوہ کبلیں
 چپ ء چاگرد ء تئی رستگیں پونزء

سمبھیت وھدے کہ تئی بالاد
 ز پور ءُ سھتاں گوں تلاھیناں
 دزگوھار کارٹیں ھیت شپ ءُ روچ ءُ
 دڑکی ءُ داں تئی سور ءُ ،
 کاملیں نازینک جن انت پر تو
 ڈھل گرا انت ءُ بندہ بنت بانجیگ
 شھم شپیں دُرانی عجب جنگیں
 وش اتبیں نیادانی دینت تن ءُ
 من شپ ءُ پاس ءُ ہر چھاریناں
 ندر باں گولیگ ، ہزار رند ءُ
 ہاتر ءُ پلین تئی منالہز انت
 سینگ ءُ چکاں گونڈلیں تیراں
 بیا منی زرد ءُ جنتیں ماھل!
 دے منی چھاں گل گتیں والے
 پر وش منی عمر ءُ داتگیں تن ءُ
 چہ پر یکیں رگانی بینگیں تام ءُ
 کہ ہاں سر رتچ ءُ منا وازار
 بیا بے ہوشام ءُ پگی زند ءُ
 تلوساں من کہ پر چیا گواز یتگ
 بید تو زند ءُ سھب ھک سارتیں

پداکایاں

مہلبیں سٹھبانی سمیں سارتیں!
 چہ زر ء پڑاھیں کوچکاں کاٹے
 ترانگاں گچے ٹے منالال ء بیگانی
 بارگیں میان ء نگرہیں دیم ء
 جل دمانے ء دے مناھالاں
 دے مناھوالاں زباد موشے
 دل منی قہر ء من دراں ڈیھاں
 گریشگ ء زند ء بستگیں سیھاں
 بید من چون انت منی مکھیں ماتیک
 تلوس انت پر من چون گوہار کاڈیں
 چون انت منی بیل ء گنگل ء امراہ
 پیر کی دودانی مہنی دوزواہ
 چون کن انت گوازیگ ماں ماہکانیاں
 ہلکہاں مہر ء رستگیں ورنا

چوں کہیں رسولیں ماں لدے لڈا انت
 گر دُک و سیاہ تاکیں گنر گواش و
 بوموئیں تلافی تلو کیں آپ
 مہک میں سندا تاں چتور پرورش انت
 مہتر و میرانی چوکت بندین
 میشتاں او بال و چوں کن انت آذروہ
 ہلکو و ریٹا تیں جنک جتک و
 چون جن انت چاپ و چوں گش انت نازینک
 چم کئی بہ من ارس و ہولنب انت
 کئی دل و اوپار پرشتگ و زند انت
 دے سلمان برہا لال و
 زند بکشو کیں ہلک و وش گال و
 گش منی ماہ دیم و کھی بانی،
 ٹیٹل و زیب و گنج و سیتانی
 بانک و زرد و، ماہ و تابانی
 جنتی بے مٹیں براہ و ہورانی
 نند دل و جزم بی کہ من پدا کایاں
 ہنچو کہ کئیت انت گوات سباہانی

بس

گر یوگ ءِ چم ءِ دریگ ءِ دل بس!
 مارا امروز ءِ چارگ ءِ گل بس
 لوٹک ءِ آروس نے مبارکی!
 ترانگاں گیت ءِ پرشتگیں نل بس
 اشکراں لوٹ ءِ رپتگیں مھر ءِ!
 بریجک ءِ یات ءِ چنکے جل بس

مرزگ ء اوستانی لدی گواش ء
 دلجمیں ہترم ء چار ء سٹے پل بس
 بند ء نیادانی کپتگیں بان ء
 دونگ ء دود ء کٹکے گل بس
 تاپک ء زرد ء پتکگیں نان ء !
 تپتگیں تین ء بستگیں تل بس !
 پودگ ء زند ء بے نہیں سوک ء
 وشنیا تکانی شادہ ء گل بس
 سررگیں ڈٹاں کلپیں اُمیت ء
 گوارگ ء ارسانی دُردیں شل بس !
 کشک ء نا ذراہ ء شد ء گثرن ء
 پنڈگ ء داد ء داتگیں کل بس
 پُر و شگ ء بیھوشیں بر ء شیمہ ء
 گل ء پیش گاہ ء ہائل ء ڈل بس
 میتگ ء گنگ ء ہلک ء کرائی
 بندگ ء دروگ ء بے متیں لّل بس
 پہ ساہگ ء روج ء سوتلگیں حبان ء
 کا پر ء لمب ء کپتگیں بل بس

تو نمیرائے

بابائے استمان و نام و

تاں ہما و ہدء کہ جہان ہست انت
تاں ہما و ہدء کہ تیرپ انت استال
تاں ہما و ہدء کہ ماہ دہ و چار و
گیدی دلبند و سرا درپشیت
تاں ہما و ہدء کہ رچ و روژنائی!
ہرچ شپ و الم درکپیت دیم و
تاں ہما و ہدء کہ کیوت تھنا
مکھیں در بند و گلیگ، نالنت
تاں ہما و ہدء کہ زر و نیلیں
ہست بنت چول و زیت پرشوکیں گورم
تاں ہما و ہدء کہ چنال کیچ و
ستی و زمیں ترانگاں گچ انت
تاں ہما و ہدء کہ کورٹ نصیرخان و
ماں میری و راجی دپتراں مانیت
تاں ہما و ہدء کہ شالکوٹ گنجیں
چلتن و مردار و ہد بند انت

تاں ہما وھدء کہ سرگیں بولان
 وت نکھپان انت گورگیں گل ۽
 تاں ہما وھدء کہ سیوی بازار
 شکلیں سیتانی وڑالیک انت
 تاں ہما وھدء کہ کھیر منجیس
 ماں لدء گواش ۽ پہ وڑے لد انت
 تاں ہما وھدء کہ تاسپیں بچے ،
 پہ مکھیں ماتیک ۽ زریٹ سھتے
 تاں ہما وھدء کہ آدمی ذاتے
 تلوسیت پہ مھرا نی گلیں نام ۽
 تاں ہما وھدء کہ ابیتکیں دل
 رفتگیں بارگ ۽ دوار جاہ انت
 تاں ہما وھدء کہ دو گرم ۽ چہ
 ملگیں نہرہاد ۽ بد انت چیمال
 تاں ہما وھدء کہ جوان مال ۽
 گیدی ۽ مان انت گشتگیں گیتار !
 تاں ہما وھدء کہ ارس ہولمبیں
 شپ گراں بنت چہ دید گاں بڑنیں

تاں ہما وہدء کہ کوڑویں امروز
 پہ شپ جتیں اُزرء کھت ء بڑ نیگ انت
 تاں ہما وہدء کہ شپانکے مئے
 تیھرء مات بندی سرے نشتگ
 نشانک دنت چماں پہ گلیں ڈیھء
 المیں لیکیت و تا والی ء وارث
 تاں ہما وہدء کہ نیلگ ء براہیت
 نام مزن مریں میریں دادشاہ ء
 تاں ہما وہدء کہ سخن سخنیں !
 پاژل ء گالانی نوار ہست انت
 تاں ہما وہدء کہ زانت پشت کپتگ
 تاں ہما وہدء کہ ہوش بر جاہ انت
 سد ہزار دروگ بند ء تھا یگے
 راستی ء پھکیں داں بدنت گشتانک
 تو براں ہست تے تو نمیرانے
 تو نمیرانے کہ راستی ء رہشونے
 تو ابد مانے تو ابد مانے !
 تو نمیرانے تو نمیرانے



شُت اُنْت

روج شت عُمّاه شت اُنْت
 مھمیں سال شُت اُنْت!
 پکّیں امروز نہ شُت!
 مئے گل عُمّال شُت اُنْت
 ترونکلیں ارساں ننگورت
 دل شپیں تیراں نہ سپت
 گورگیں گُلّے وڈالاں
 مئے سرعُمّال شُت اُنْت

مجلس ء دور بلوچيگ
 شیر کنیں گپ ء ھبر
 جلک ء چھر ء گداں
 گوپتگیں شال شت انت
 چاکر ء زور ء تیاری
 ھاآئل ء ھیسکارگ
 رند چہ شیہ ء اے جھان
 مھر پھوال شت انت
 عزت ء جام شت انت
 شت اسیلین پاؤل
 لبز ء گپتار ء بیان
 گال ء سگال شت انت
 گند ء بند دوستی ء براتی
 ھوری ء ھوری تپاک
 شکلیں دروت ء سلام
 حال ء احوال شت انت

پیدا کاں

مھرء شر رنگیں جھاناں من جھاں پیدا کاں
 رُہ بریں زندء گماناں پہ گماں پیدا کاں
 مارا بیگواہ نہ کنت دھرء دریں بیگواہی
 من وتی رندء تچاناں من تچیاں پیدا کاں
 سوچ ستر سوچ مناسوچکء سچوکیں سوچکاں
 چوچشیں دارء سچاناں من سچیاں پیدا کاں
 دُرش دُرشء دروش دُرشوکیں پہ عجب دُروشاں کن
 دُرشتگیں دانء دُروشانان من دروشاں پیدا کاں
 تو زرعہ پہ من بہ زرعہ منی زند زرعیت،
 دل زرعیت بیا کہ زرانان من زراں پیدا کاں
 شل منی ارش شل انت، شل شلیں نو دی شل
 شل شلاں بی کہ شلاناں من شلاں پیدا کاں

تلمل

تلمل طلاہیں سومری
 عارفہ پورچ گراں مہذبیں ماہیں پڑی
 باریں کدی بانور بے !
 باریں کدی بانور بے !
 ہستی ز بادیں مینتگاں
 ہلکے ملوکیں دختراں
 گندیم چہ درجیں گوالگاں
 درشت انت سبکیں جنتراں
 بستگ ہبرسانگ بندی
 میر و امیریں محترراں

تلمل طلاھیں سومری
 گراں مھنڈیں ماہیں پری
 باریں کدی بانور بے
 باریں کدی بانور بے

تو پہ اُمیتے نشتگے
 من پہ اُمیتے زندگاں
 تو پہ یلیں شہزادگے
 من پہ وتن ماتیں وتیگ
 پہ سھریں گدے پوش کی
 پہ آمڑے مڑوا کے
 چم داشتگ انتے نشتگ
 دیم انتے ملور گیمرتگ
 چو کہ تو تے چو کہ مناں
 کس چو نہ انتے اے عالم
 تلمل طلاھیں سومری
 گراں مھنڈیں ماہیں پری
 باریں کدی بانور بے
 باریں کدی بانور بے

گال

شکل پا زل و گپتار انت
گال لے پہ وڑے کتار انت

بے ہوشیں سراں عقل و ہوش
دراہ کنت کپتگیں بیماراں

زیر دستی مہ من ات ہج بر
ٹوہینیت بزگر و لاحپاراں

دژ من شے نہ انت ماہ و روج
بدواہ واجہ و ہستگار انت

تنگ انت کدھاں ہونانی
لاپانشس بچار تنگار انت

بالادءِ وقتے باوردار
چماں سک مدے زرداراں

ھچ یتیم ء نہ بنت ہمراہ مئے
راہ ء کُنٹگ ء جیمارا انت

اوپار ء مکشس ھوکاپش
میر ء معتبر سرداراں

برورد ء ثمر جُہدانی
شوہاز ء شمعوت گارا انت

دلمانگ نہ انت چانیک ء
قوم ء راج ہمانا مدار انت

۹۱/۱

منی جندے

تو منی جندے زندے واہندے
 چہ منے یاتانی پلوک زندے
 واہگے ساپے سکہ ایں آدینک
 شانک پہ من چماں تووتے گندے
 من دگہ دنیاے سرے کشاں
 سہتے گوں من تو اگاں بندے
 مرتگیں دل مئے گرک جنت سدر
 بوشت دمانے بیا تا کچھ زندے
 من پہ تو بند یگاں امل ہنجوش!
 پنوات چو پہ سستیء بندے
 پہ تئی بچکندے کناں قربان!
 سہ ہزار شر رنگیں جنک ہندے
 من تئی شوہارے بکریے باور
 گارکتگ باوست بیاوتی جندے

عارف بلوچ + نغمہ
مثنوی
لڈو کیں کپوت

جی کپوت لڈوک ء سبک بالیں
مرگ زہیرانی ترھ شکر گالیں
دے منا اھوالاں گلیں لال ء
ٹیٹل ء دابانی زباد مال ء
کہ دل منی بے بود ء جگر ریشیں
سرنی بے سار چہ گماں گیشیں

پُروشت من ءِ گیکے بے گو میں زندء
 دات اُجب چکوٹ جند منی جندء
 مُرتگیں بالاد ءِ گر ءِ چیل ءِ
 اسے ماند اشتگ فھکیں ڈیل ءِ
 همسر ءِ همراہاں گسر بیتاں!
 کُت منا بیگواہ بے نیں سیتاں
 چوں شموشاں من امینیں ہلکاں
 رتگیں گوارچ ءِ آہنیں تلکاں
 چوں کتاں شجھواں وتی بیہال
 دُڈر ءِ سد بر چست بنت چھیال
 کود کی لیب ءِ من مرا گاہاں
 چوں شموشاں من ترانبلیں نایاں
 گیر منا کانت سک کنر لبیں
 ساہ ہما جاہ انت کے ہود حبیں
 بس کن کوکواں مرگ زھیرانی
 زیات ترا گون انت دعا پکیرانی
 چہ غنم ءِ اندوہاں جگر تر گیت
 سر گل ءِ اُگبالاں چتور رگیت

زوراک

گڈسری پاس ۽ مرمرانکیں آس
دیگریں امر ۽ مھتلیں پاد تراپ

چوں کنے زند ۽ واہگ ۽ پاد موش
چوں پل ۽ زانت ۽ تاگت ۽ موہ
چوں کنے چاگرد ۽ مدام بندیک
چوں کشتے دھبر ۽ داتگیں پگر ۽ !
پھک ۽ پلگاریں تانریں رُژن ۽
(پہ) لاگریں شینکے چوں کنے اندیم !
تاكد کنے براتاں چہ مناگر
تاكدیں چپپیں ماسگاں بندے
تاكد گتے راستی ۽ بگش ذروگے
تاكدیں نقشیں منجواں بندے
ھجگیں پلاں چہ پلپیں گلباگ ۽
زورسری باریں تاكدی سندنے !

پُل گد

دُر وِھتِگ چماں پَہ گُلِیں وا بے
 دل جمیں برگشتِگ ز ریت دا بے
 اوہ من باتاں بیوتی دیتِگ
 زند بیا دات گوں سینگے چاکیں
 شپ مناٹھیں ترانگاں گجیت
 رُچ منا لال ۽ پُل گدیں جان
 درد مناسد رند ۽ کن انت ایرجیگ
 دُر وِھتِ منی پُلِیں پُل دپ ۽ نیاہنت
 پَہ شِکلیں تران ۽ ساہتے نیاد ۽
 سرجمیں عمرے بیتگاں مُتنگ
 آسروں سربیت کدہ ۽ گرمے
 بیت ہوارہا کاں جون منی ہاکیں

گون بیت

زندمان ! زندے بیاتمی نام ء گون بیت
 شکل ء شہر ء وشی یے تام ء گون بیت
 من تھاری ء ہج وڑ ء امبراہ نباں !
 رُژن ! روژن ء سھر دپیں بام ء گون بیت
 چچ نلر بیت دل ! شل سریں تیری سبگ ء
 ہمبلوں گون من کام ء نا کام ء گون بیت
 شب جتیں بگت ء پرشتگیں مھرگ چالک گتگ
 تپتگیں پادانی ہمک گام ء گون بیت
 نی مئے ہلک ء ہانلے باجائی نہ بیت
 شیہ سرب ء مھر ء پنڈگ ء وام ء گون بیت
 الم ء روچے ہمبلاں نوک آپ سنگر انت
 لیجرے گرژن ء درتگیں دام ء گون بیت
 گت کدی گپتگ واجہ ء میراں پلیسر !
 یاد شپادگیگ ء برتگیں شام ء گون بیت
 گٹ شتگ مُلا پلکگاں حاکشانی مکن
 قاضی اللہ ء پنڈتے رام ء گون بیت

باؤ بند

زند ءِ هیال اُنت کت کت
درد ءِ همدوک اُنت ژند ءِ پند

ثرہ یک دمانے هائل ءِ
هوش ءِ پلوکیں باؤ بند

پمن طلاھیں شپ بہ رتچ
پمن صبلے روچ بکن

سختے بہ شنگیں مہپراں
سختے بہ نند سختے بہ کند

تو چو گمان ءِ دیر مہبی
تو چو هیال ءِ پر مکپ

شَل پہ صَباح ءِ مَہتِلِیں
چَمّ ءِ تَرِپوکیں نو دی تَنَد

برِپِیں تَمائے کو چَکِ ءِ
باپِیں نَوان ءِ رَسَتَگیں

پُھلِیں گَشادے دَلِبرِیں
در چَکانِی شاہاں چوں مہ چَنڈ

نِیاد ءِ دَمان ءِ ماہِکان
دوست ءِ جَتائی اَلْاَمان

کیچ ءِ چَنال ءِ براہ ءِ تو
بے تو گیا باں تُمپ ءِ مَنَد

منوی

زگرین زھیر

لھڑیں دل ۽ زگرین زھیر
 بیٹ ۽ لد ۽ منجیں کھیر
 تو چہ جهان دیا تر ۽ !!
 انجیر ۽ پل شرج ۽ بر ۽
 وھدے تئی یاتاں کپاں
 چو آھنیں تلک ۽ سراپاں
 وائر کھڑے ۽ گل ۽ بیا
 ہنچو کہ کیت سارتیں صباح
 شپ انسریت ۽ روح بیت
 دردیں دل ۽ غم موج بیت
 گنج ۽ مراد ماہ چار دھی
 سیر وابی ۽ وشن آگھی
 تو مئے دلانی بانگ ۽
 من للہ آں تو گر انک ۽
 مارا چیا بڑنیک گتگ
 زردوں چیا ٹنیک گتگ
 ایکیم نہ بیت بیا بزرگ انت
 واھش گتے نوک سبزگ انت

محبتیں گندیم

نور خان بزرگوار

سگال
رکمان

چم منی کوہیں بانڈاں سگانت
 ہوش منی بڑتگ کاگدیں رگاں
 کوچکی گندیم ۽ ماہ گشتے محبتیں
 لذت ۽ ورنائی کٹیڑھجگیں
 کدھانت دیدگ ۽ کمان بڑواں
 ہازگیں ٹپانی دل ۽ درمان
 گوہر ۽ درپشویں طلاہ گنج ۽
 بزرگشتے آزمان سر ۽ سنج ۽
 ادسیں پوشاک گل ۽ داب ۽
 تو، پچیں چم دیستگیں واب ۽
 گرام کپوتیگ انت ۽ رواج کبگی
 لڈگاں پڑہریں دل انت سگی
 رۂ بریں یات ۽ آپر ۽ ہزام
 رنگ انا رکانی شہر چکیں گورباہ
 دنت گچیں حوراں جنتیگ پرکے
 ٹیٹلیں بالادی گشتے گرکے

ابیتکیں ترانگ

چٹاں منی و اب اُنت گُل ۽
 دل زرد ۽ منی لال ۽ ہیاں
 زندہ ۽ ابد مانیں شیاں
 دلگیر ۽ من دلرنج نیاں
 بندِ یکِ وتی ماہیں گُل ۽
 دگہ کسی ۽ بندِ یکِ نیاں
 روچ گوستگنت زندہ ہم گوزیت
 جڑماں کہ روچے ساہ منی

رَوْتُ پَرِ یَکِیْم ، اَلْمِ بَدِیت
 وَهْدِءِ تِیاری بے گمان
 زِیرِ بیتِ ماں دِستِاں زِمِبلان
 ماں گِریشِگِ ءِ لا اِی مِکان
 پِمنِ وِطِیں کِبرِے گُوجِیت
 ڈِیلِ ءِ مِنی براہِ ءِ گُشاد !
 بیتِ انتِ هوارِ ها کاں سِطِایت
 گوارِ انتِ همودِ هورِ موسی
 ساچانِ بنتِ نودِ ساھلی
 پِلے رُدِایتِ یکِ مِھلبِیں
 پِلے بَھشِیتِ ءِ جَنَّتِیگِ
 بُو ءِ چو مِسکِ ءِ زِ عِفران
 جِمازِ سِمینِ ءِ کو پِگاں
 رَوْتُ ءِ کِپِیتِ لالِ ءِ مِنی
 شارِ ءِ اِیلِیں دامنِ ءِ
 گِجِیتِ پِدا مِاھِیں گُلِ ءِ
 زندِ ءِ ابِیتِ کِیں شِرا نِگِ ءِ

جَنَّتِی

۱۹۰

کد کائے

چمّانی دورُوک کد کائے
 ڈولے سمبھوک کد کائے
 مرچیاں مُدّتے شاتیں دل
 دردانی دیوک کد کائے
 گور وِٹ اُنت کھیر سَر دشتِء
 کاڑانی سِر وک کد کائے
 جمبر آتلگ اُنت کور آسیں
 شھوکیں گر وک کد کائے
 یاتِء گر وِہگاں پُل بستگ
 مارا بُن دیوک کد کائے
 دیمدار اُنت دِلوں دیمِگِء
 دردانی زروک کد کائے
 ماِء تو ببیں دائمِ هُور
 نیادانی هُدوک کد کائے

تپاک

بیلاں دل ء قہر مہ بت
 وت ماں وت ء زہر مہ بت
 ہم مکتب ء ہم گنگل ات
 مرگ ء ، وت ء وت بانزل ات
 دستاں اگاں چماں جن ات
 وتی دیدگاں کور کن ات
 ہچ کس شے دست ء نہ گپیت
 شے واہگ ء پل مرایت
 آزاتی ء شون انت تپاک
 سوب ء گلین گون انت تپاک

لور خان بزنجو زپتیں زھیر

روح گوں ہزار رنگیں غماں کیگد منی بیگاہ بیت
شب گوں تئی زپتیں زھیر ترائنگاں بانگواہ بیت

چوں چوں گوزیت باریں منی بُج تھاریں زندگی!
مرنگ منی زندہ چراگ باریں کدی روشناہ بیت

جندوں وتی ہیرات گت من سروتی قربان گت
من ہچ نرائنگ کہ منی ہمبل منی بدواہ بیت

کج واری تثرنء محن مارا جھانء دیماتو
یکے غریبء وار بیت یکے امیرء شاہ بیت

شوہاز مہوتود لپروش دنیا دودانت دائمی
گوں بزگرء گوں بے دراں مرچاں کئے انت ہمراہ بیت

نیت انت جہان ءتئی بدل

تو کہ ہزار داب کن ءے
 گندے مناتاب کن ءے
 چہ تو پراموش نباں
 تئی داتگیں رنج و غماں
 بننداں تئی راہ ء سرء
 چاراں ترا چہ درشماں
 بیائے کدی چو جمبرء
 بجوار ءے منی کل ء سرء
 بیٹ انت پداشالا بہار
 و شش لڈ گیں مہر ء کشار
 درجیں دپ ء کول ء کرار
 با کانی تئی لھیں و دار
 و شش و شش گوزیت لیل ء نہار
 من تو کہ بیٹیں ہور ء توار
 شوہاز پر بندیت غزل
 نیت انت جہان ءتئی بدل

دُر دانگ

ماہل بیا دُر دانگیں
 بیا کہ دلوں دلمانگیں
 شپ بے ترار وچ نہ بیت
 چند چہ و تا بے ترانگیں
 باریں تاکہ زندگ بیاں
 چٹاں مجھے مانشاںگیں
 سہت ء دمانے مہتلاں
 یاسین ء مُلا وانگیں
 دزگٹ کتگ من ملکیت
 دیر انت سرین پانگ انت
 بیا کہ بہ روت انت یہ مکیم
 ساہ جبزرگ ء کم زانگیں

بکھن رت

پروش ات سانکلاں دستانی

تا آپ آنت کِشار مھرائی
 باگیں مچکدگ شھرائی
 تَنیگ آنت کھیر بِلانی
 زرد پلّیں چگرد تلّانی
 جیر جیر آنت سرگ کِٹرائی
 جامگ مگھیں ماتانی
 سوب آنت واجہء میرانی
 کرینتر کرینتر آنت سرتیرانی
 پروش ات سانکلاں دستانی
 بیار ات شادھاں ہلکانی
 آبادیں دمگ شمع نیلیں زر
 ہلک ء کلگ ء کوہ ء گھر
 پادمال آنت درھیں ھیر ء شر
 راج ء مَتر آنت گِرت بر
 بند آنت پرشما درھیں در
 مات ء دامن ء کونڈ ء سر
 ھیکارگ گوانزگی طف لانی
 باھوٹ آنت مچ ء دَنزانی
 پروش ات سانکلاں دستانی
 بیار ات شادھاں ہلکانی

سر مچار

تیر ۽ تفنگ ایش زرتگ انت
 کاٹا ایش میانا بستگ انت
 پلین یل ۽ بیل انت منی
 زندء وقی سر گوستگ انت
 چه هونا چراگ انت روک کناں!
 زوراکی ۽ سیاہیں شپاں
 منزل بہ منزل گام جاناں
 چو آس ۽ زراب ۽ سرپنگ انت
 پادموش کناں انت ڈنگراں
 سر برگوزان انت کنڈگاں
 دیر انت چه ویشیں شادھاں
 شتکیں تلاراں وپنگ انت
 باج بُرتگ ایش چو کوکر ۽
 مثل گروک ۽ شہم کناں

چنڊ اِش کتگ تر بان وٽي
 کوهين هسار اِش پُروشگ اُنت
 چُچ درتگ ءُ پاداں شپاد ،
 سُهر اُنت اِش چم بے وابی ءُ
 هم دست ءُ هم گام ءُ تپاک
 کوٹ ءُ کلات اِش کپتگ اُنت
 دگوش کن است بیل ءُ یلاں
 راج ءُ منی کیمیا گراں !
 بیا است کہ وشتیں زند کئییت
 ورنا مرادے سرگر اُنت
 وٽ واجہ ءُ جوانیں سراں
 شوہر نہ کنت سُهریں سلام
 بیرک بلند بات اُنت شمع
 گال من دوئیں پر بستگ اُنت

ہمبیل

چیا مچّ ۽ نیگ تئی گیمرتگ انت
ولانی برتئی کیا بستگ انت
دودانی بدواہ ۽ دژمن کئے انت
نادلسرے تو بے ایمن کئے انت
دراہ ۽ دوداراں کمی نشنگ ۽
باصوٹ ۽ تحت ۽ چیا وپنگ ۽
وقی ہلک ۽ ملک ۽ وت دست بگر
گل ۽ پلپیں راہ ۽ دو برسر بگر

کیا غم ترادات
کیا دل تئی پر وشت
کیا زندمانی ۽ !
واہگ تئی پیلوشت
کیا دستاں مان کت
تئی گرانیں سانکل
ہمبیل کیا کت !
تئی جیگ تل تل

تراواری ۽ بزرگی اے کیادات
کیا چوش پسکینت تئی مکھیں مات
پُشت ۽ کیا جت تئی زانت ۽ زان
کیا بُرت، تئی چاکری ٹھل ۽ شان
کیا چیر ترینت ترا ۽ تئی نام
چے پیم ۽ تو بیتے گلام ۽ ملام
لگت مال کھر کیا تئی کت انت
گوال ۽ گورم کجا تئی شت انت

ذوالفقار علی بھٹو

چو آزمان و بیر جنے
 تو مئے دلاں تیر جنے
 هنگت گئے من مِستراں
 مُلک و سروک و رھبراں
 تاکد گئے، زُلم کن تے
 بنی آدم و بلم کن تے
 کس دائم و وار نہ بیت
 ہون بلوچ گار نہ بیت
 دست و اگاں دام انت تئی
 امبراہ اگاں جام انت تئی
 بھٹو اگاں نام انت تئی
 نا کو اگاں سام انت تئی
 مال و مستاع و ام انت تئی
 درستی اُس ہمشام انت تئی

ایران ۽ شاہ ۽ اشر فی
 و شس اُنت ستر گپ تی دپی
 مر گے کہ برز ۽ بال کنت
 روپے ازل جھل ۽ کپیت
 منڈینگ اُنت توپ ۽ ینگ
 ڈاہ داتگنت شیر ۽ پلنگ
 دارگ نہ بیت رُژن ۽ زراب
 یہ مار ۽ بمب ۽ گراب
 گلکیں ماہکان بیت اُنت و دی
 زلمانی شپ و ت بیت پدی
 چکوٹ کن اُنت زلم تی ترا
 گٹ توس کن اُنت بلیم تی ترا

آسے کہ بن انت

مُرگے گوں نکشیں بانزلاں
 مَرچی منی کُلّ ءِ سَر ءِ
 پر یات ءِ واہی زار کنت
 نالیت زھیری نالگاں
 دردیک مناکنتیں توار،
 رازاں ریحیت رازدار
 کارانی چوڑ یگ پرشگ انت
 ماتانی جاگ درتگ انت
 برات تاسپیں، بچ باھڑیں
 بینگ ءِ پلنگاں وارنگ انت
 من گورے نزوریے کوپگاں
 کلیگ وتی بد ءِ جتگ
 درکپتگاں کُلّ ءِ وتی
 زبریں سواسوں زرتگ انت
 رفتاں ہماہند ءِ سَر ءِ

دیتگ نزوریں دیدگاں
 روک انت آسے کیلگاں
 دازانت گوں پیشاں بُن گراں
 دُنک ء لگوراں شراب کُتگ
 زُر تگ گلے نر تولگاں
 ڈوند وار نکسیں گو تواں
 پنجگ زہیں پیش داشتگ انت
 نام آوریں مُعتبراں
 دَلار ء ٹھگیں رہبراں
 راج ء سروک ء مستراں
 سردار ء دُنگیں مہتراں
 پڑمُردگیں ڈیل ء مَنی،
 اشکر گومے پرداشتگ انت
 سداںی جُهدانی ثمر!
 زیتون ء ویش تاہیں کُثر
 گرد ء گوم ء گونگیں بھال
 ہیگ ء لدیگاں پاتگ انت

بش لبش ورنٽيس هنگت ء
 دنتاں گڏروش اُنت پمڻ ء
 سبزيں کِشارانى بدل
 هُشڪ ء پتارين ڏنگر اُنت
 جى همبل ء دز برادران !
 رُڙو ء بھو کيڙ چڻگاں
 هڪاں گر ات ڇه چاڪراں
 وهڊ ء تيارين وت وراں
 مات ء گوهار ء بيوساں
 چم پي شمانون داشتگ اُنت
 هونائش ٿرمپ ٿرمپ درڪن ات
 پادائش ڀروش ات ڇه ڄڻ ء
 ماڪشنگ اُنت سبزيں کِشار
 برورد هميشاں وارنگ اُنت

مهر

مهر دایما پیداور انت
 چو چاکر ء زور آور انت
 مهر کعبه ء مهر انت نماز
 نوک ر تنگیں مشک ء گواز
 سار تیں سکانی چمگ انت
 لوگ ء دپ ء مهر نیگ انت
 ساز انت نل ء مهر زمیل انت
 مهر بستی ء کھریں دل انت
 سبزیں کشار انت مال پلاں
 مهر چار دھی ماہ انت یلاں
 مهر شادہ ء مهر نوبت انت
 پشت کپتگیں گوک ء شت انت
 مهر! مادر ء انت مهربان
 مهر پاؤل ء شہدیں زبان
 پلگار ء مهر تار اسگ انت

مھر و شيانی ماسگ انت
 شھد ء شکر سیت ء نپ انت
 مھر کہ وتی در ور وت انت
 من هم پی مھر ء زراں
 در پی در ء ھاک پ سراں
 تنگے من ء تنگے گم انت
 بے مھری ء ذراہ کار پد انت
 روچے هزار زند ء مراں
 ذراہیں دراں چہ بے دراں
 آسے منی روک انت دل ء
 نالاں چو باگ ء بلبیل ء
 یا کہ زمستان شپے ...
 مردے پہ بیت بے گندل ء
 شعر گشاں چو عزت ء
 بیتاں ز بھر چہ لزت ء
 میری منی دست ء شتگ
 مھر کشار ٹھیکاں رتگ

ہست و جہان

ایمان منی ہست و جہان
 بے تو منانیت انت امان
 تو کہ تھے من چون کناں !
 امروز و شمس شادہاں
 پل دروشمیں ماہ چار دہی
 بے تو نیت انت ماہکان
 چہ ہوناں دل و زگریں دتی
 میناں من پر تو ہستیاں
 جند و منی ساہ و سما
 کول انت ترا بانور کناں
 ندریک سر کولیک انت جان
 پہ تیج دوار و میستگان
 منی جنتیں ساہ و بدل
 چہ تو پر اموشس بھ نباں
 ماتی منی ماتی و تے
 منی دتے تے کرباں باں

مثنوی
✓

دایانی کھیب

ماہ رنگیں کھیب دایانی
بانک ایمنیں گلائی
دردانی دل ۽ درمان ۽
هَب ۽ واہگ ۽ ایمان ۽
نذریگاں تھے یاتانی
ملگور ۽ بزیں بیگانی
چار پاسیرے شپاں بے واباں
پلیں کندگے ۽ محتاجاں
سختے بیامنی دیمانہ
مھر ۽ ماہکال ۽ شیرے زند
بند یگاں تھے دیدار ۽
درمان ۽ دارو ۽ تیمار ۽
بیاء بیامنی ۽ امراہ بے
تاموریں شپے ۽ بانگواہ بے

ماندار نولے گدے پوشاکاں
 دلیے کرنے پوپلے مژواکاں
 پر چپا نشگے گلے عبا
 شریے چو آسمے پلے عبا
 پر چپا مھتلے بیگواہے
 روجے پر شتگیں بیگاہے
 بنتے چاکرے ہا تو نیلے
 دارے زھر گے سکتو نیلے
 یلے دے نے کٹیڑے تیرے
 برانز گرے گتے شاہینے
 ساہے تو منیے ارواہے
 دنیا درہیے یکتاہے
 شاہد شیم کھیر شیم کیے
 منے تو بندے وقتے یگیے

گیمرتگیں پل

دل منی دوشی اشکراں بیتگ
 ماہ دہ ء چار ء جمبہاں بیتگ
 گوں جتگ ز پتیں ترانگ ء درداں
 کیٹگ ء بے پلپیں پلاں بیتگ
 ایک ء اوشٹگ ء گرگ ساہ ء
 دیدگاں ار سے شپ گراں بیتگ
 دلجمیں مزد ء دل لیں مھرگیں
 سیدگیں دُناں چرمڑاں بیتگ
 یات شکر لیز ء گورگیں کُل ء
 بتگیں زمزیلے، گڑاں بیتگ
 کپتگیں مرد ء آھنیں بالاد
 درشتگیں دان ء جنتراں بیتگ
 بے وسیں زند ء گُست ء کینگ
 بستگیں پلے گیمراں بیتگ
 سکت سد ء بندیں بزرگ ء پریات
 شتگیں گوزات بُن گراں بیتگ
 چاملیں لوٹے کاملیں شوہاز
 زیور ء سھت ء زرگراں بیتگ

مونی

زندہ اومان

زندے مبات بے زندی
 آسے کپات جاہ بندی
 ہمبل منی ہمبل یلیں
 بیا کہ پدا پدا کنیں
 مہر مہر چاکرے
 یا حمل ء مہر او مہرے
 کاروں نہ بنت پیتاری ء
 پہ گرگ ء بے کاری ء
 لانکاں کہ بندیں دل دل ء
 جزماں رسیں ما منزل ء
 تاکد غم ء اولاک ہیں !
 بے ہمت ء بے واک ہیں
 او پار بے کچ ء کساس !
 پادانی مئے رست انت سواس
 حتماں اگاں بند کنیں
 پگپاں دپ ء زند کنیں
 پلیں وتن شات نہ بیت
 شات کام گلیں مات نہ بیت

حمید جان و نام

زندمان ! چو کرناں تل بستگیں برپانی تہ ء
 چیریں ڈل ء ڈوک ء
 ٹنٹرتگ ء سارت انت گشتے
 (یا) چو کہ منی دوزواہ ء کبیر پر داشتگیں
 رگانی وڑ ء — !

بدرنگ ء بے تام انت مروچ
 نہ برانزے نہ شھے
 نے کہ تلاھیں دروشھے

کہ بہ کٹینیت ء آج بدنیت
 پر مھریں دل ء تگتگیں کورھاں

— ء مارگ ء مُردگ جاہ ء

کپتگیں بے پکراتیں جون

چہ من پلان انت منی بے دروریں پگرے

ہمک شر رنگی ء — !

کہ بے من بندِ گِ بیاں
 انچو پے مکیم — عُمَنی
 شکستیں پریات
 بُرز ماں آ زمانانی رَبد بندیں کلات
 دیک بہ وارت — عُمیرہ بکنت
 — عُم نہ کُتگیں گناہانی وڈالاں
 انجش من مدام
 دُونڈ وار عُم مُردگ ضمیرانی
 اڑل داتگیں — پاهوئے ہرجان بیاں
 بُرنجباں — بہ پیسکاں
 عُم بیدان بیاں !!!

آس

آس ء آسیں پگر گرسنگ
 آس بیتگ آسیں اِ مروت
 آسگیں شپ _____ آسیں روج
 دمان ساحت _____ ماہ ء سال
 کرن _____ بارگیک آس انت پہ من

آس گواریت آزمان
 زمین پہ من آس ء تپنگ
 چہ مرگ مٹر سیں

آس ء منابیم ء مدے
 اکہ، تئی بھشت ء من دلمانگ سخاں
 نے حور ء علماناں نے شرا باں تئی
 توہدا بندی ء ہداوندے نئے
 بزرگ ء بے درین وازمندے نئے

واجکار

شپ کہ تا موریں ماہکان ئے تو
 چا بڑیں دست ء ء کمان ئے تو
 سد دروں بست یک درے چک کت
 ہنگت ء جی ئے ہنگت جان ئے تو
 شات بیت ہرچی تو شہار پہ ما
 ہا کمیں دھر ء مہربان ئے تو
 بڑگ ء اوست ء لوٹ ء چے بستار
 بیرگیں زند ء اوستمان ئے تو
 عاجز ء پیر انت مئے دل ء واہگ
 ہستی مندے ء نوک جوان ئے تو
 داد بکشا ء دین دل کشیں!
 وشئی ء وش آتکیں دمان ئے تو
 ماہ ء استال ء کلکشان تی انت
 برز بالائیں آزمان ئے تو...

نسخہ
 مقفی (عربی)
 (نسخہ)

پہ وڑے بندے وزمےء شاکار
 واجہ ء صہلک ء میرؔ حانٹے تو
 کنت ہداوند ء چند ترا امپاس
 ہچ مزان واجہ ، باز زان لے تو
 نے پر انت کچؔ ء نے ترا ٹوٹے
 ہو، شبنک میر ء گڈ ء وان لے تو
 روزیگ ء لاپ ء دڑیں ملّاء!
 سی حُبز ء پاکیں القتر آن لے تو
 چکّ ء پدھچ چیر ء مبو واجہ!
 چورویں راج ء کل جھان لے تو

منو

بھار ۽ سنج

عارف بلوچ

بھار سنجیں خاریں دلبر
 تو پیل کس دے کہ اس گریوے
 مناں تئی اسرار و توتی
 مناں تئی بنبھاہ زندگی
 مناں تئی چھانی رشن ۽ تحریر
 مناں کہ کایاں مدام ترا گیر
 مناں تئی لٹنی ہا لگین پن
 مناں مکن تئی، مناں تئی کن
 مناں تئی جیگ ۽ ٹٹ ۽ ژ لالوگ
 مناں تئی مھکان مناں تئی نوک
 مناں تئی زپتیں زھیر ۽ ترانگ
 حیاں ۽ بھن زہ مناں تئی زانگ
 نیاد ۽ اوستانی مانزمان من
 زباد ۽ میکیں گل ۽ گماں من

بھار سنجیں خماریں دلبر
 تو پل کس دے کہ ارس گریوے
 مناں کہ راہاں تئی پل رچاں
 برے نہنگ ء برے من کچیاں
 تئی من سھت ء تلاء ء زیور
 مناں تئی دُریں متاہ ء درور
 گدا ناں میر بندیں ! وشیانی
 مناتئی دل بدی، سکیانی
 مناں تو زان تے ترا من زاناں
 تو آجھان تے من اے جھاناں
 مناں متاپیں مناں مرنجیں
 دل ء ہزانگ مناں تئی گنجیں
 نباں من بے تو، نیے تو بے من
 خماریں دلبر بھار سنجیں
 بھار سنجیں خماریں دلبر
 تو پل کس دے کہ ارس گریوے

طیب و مودع
 —

آتک انت

وھدے شَنزان ء نود زری آتک انت
 زرد ء اومان اومری آتک انت
 زیکلی لڈرات تئی شھر ء بے دانک ء
 مرچی گویا کوں بُندی آتک انت
 پیتک پیشگاہ ء پتروں وھدے
 سارتیں ساچاں جبری آتک انت
 ہو گئے پتو جنت انت دُگنیا
 مندر اسلام ء کاپری آتک انت
 جو پ جتیں جُٹ جاڑیں جامیدگ
 پاری سرگیت انت امبری آتک انت
 دست نہ کپت ھچی وھدے بے سوباں
 (چہ) کابل ء ماں تران مری آتک انت
 دوزھیں بالاد ء بھشتیں دل ! !
 میزاں میزان ء مھتری آتک انت

سلسلہ کی (نسخہ مبرا)

بے ہنگت دل تو زندگے
 ہو کہ شمشک بھ نہ بے
 گنداں گدارے نی ترا
 دود و ربیدگ مے و متی
 مارا چو کور و بھر کن انت
 تو یک گور و من یک گورے
 تو یک تل و من یک تلے
 کچ گوں نھنگ بیت کنت
 بیت نہ ہیں ماہور و تور
 تو دازن و من پیشناں
 توک و لکیر کشتگ

○

○
 زرد و گنو کی ماء تو
 نوک رتگ و ورناتیں
 کندینت تو، تو چولینت
 نشت و ترا چارت مدام
 کیچ و چنال و ساہگ و
 بر و کھیرانی بن و
 چوں و ش ات انت آریچ و شپ
 نوک واہگانی و شیں گپ
 مارا کہیل دات و شتے
 نے جتے کتے نے پرستے
 مادوست پہ تو باز گریت
 سھرینت نکت ہدے و تا
 ڈیہ و دیاروں بل کنت



بیا زھیرِ دلِ بُرّیں منا نیلنتِ ننگِ ء
چم منی ہمراہ نہ بنتِ وابِ ء گنگِ ء

تووتِ ء چیرداتِ ماں گلِ ء پُلّیں مِتگِ ء
دم نہ بُرتِ ماہم چارگِ ء راہِ ء ننگِ ء

گشتگیں گالِ ء سجوئیں بند بندِ انتِ ابیتکِ
موہِ ندنتِ کُھنگیں قلمِ شعرِ ء بندگِ ء

بیتِ کنتِ بیلے بستگیں بے حالِ کئے!
دلِ شמושِ ء چوں گورگیں گلِّ ء زندگِ ء

آدمی زاتیاں! منا زندانِ ء گُتگِ
کُبلِ بیتِ اُمرے تانسریں یاتِ ء بندگِ ء

ماتئی جیگِ ء بستگیں پُلّیں گیمِ دیے
مانہ ہیں آرگِ زاریِ ء آہِ ء مندگِ ء



برے و شیش بیگاہ ، برے آسباہ انت
 منی دیدگاں بس ہما ء ہما انت
 منا ہلک ء مُلا بلیکھ کا پرے تو
 ہداوند چند انت اگاں آدلا انت
 سرء بے گڈ ایت بدنت آس ڈیل ء
 گشت مہر ء جنگ ء کہ ہرچی روا انت
 ادا لوٹ ء اُمیت ، ربیدگ نکان انت
 بھا بنت دلی دوست ، دل ٹے بے بھا انت
 گویاک بندر انت ، زبان مان گیش ایت
 زوراک مُلک ء گشتے مئے ہدا انت
 شوہاز اے ذکر ء نماز ء عبادت
 قبول چون بنت تئی اگاں دل دغا انت

تو

واھگ ۽ کیلیں کدھیاں ایر رتچ
 چہ هیالانی گواتگر ۽ ایر کپ
 جی پتو سندن ۽ ٲٲیگیں میٲاپ
 جی گبت رنگ ۽ میزریں بیباک
 بیاتی بندیک ۽ هزار کرن ۽
 پر تو جو کینتگ ھلھلیں اولاک
 کوڑویں امروز ۽ دورو چیک ۽
 من ترا وزم ۽ ڈولے نازینتگ
 تالھ ۽ بھت ۽ برزیں آزمان ۽
 من ترا شنگیں کلکشاں گشتگ
 چاکر ۽ بیبگر، ٲیبس بالاج
 زندگیں زند ۽ اوستمان گشتگ
 ماں دل ۽ باگ ۽ جھلکھیں شھر ۽
 چو دٲکیں بانور ۽ تراناستگ



مھپر ءِ شنگ، گل ءِ بچندگ ءِ مھباز کنگ
من بھار گاہ ءِ دل دلیں چھلانی شریک

تو میارے مئے اُمیت ءِ سِدو کیں اوست!
چلگیں بامسار ءِ سھیلیں استال ءِ ترپک

من وتاں! بیوتیں زندے وتی پاسپان وتیک
کینگی کبگیں کہ ماکشنگ پہ کُتنگ

من کے ءِ ساڑاھاں اِکے ءِ پر بند اں سِپت
زیکیں پانپان اُنت کہ مرچی! آتنگ ءِ امبارش جنگ

تو تر دیر بدار ءِ موت ءِ یکر ءِ بکشت
ماوتی میر تر اُمت تر ءِ سردار کُتنگ

زنزرتے تو کہ پدا تیجباریں سپاہ ءِ میشت
چہ دل ءِ هلك ءِ شگوتنگ تئی سدر زند ءِ رنگ

مارا شوہاز کنے چون ءِ مئے مرگ ءِ رند
نئے دوارے نئے گس نئے مناشھر ءِ دمگ

۱۹۰

مَدی

مئے دل ءِ شر رنگیں ہیاں بیتگ کئی ودی
اندرءِ گوارانِ انت گشتے ہورے سدِ دُردی

ویل کتگِ ہلک ءِ بیتگیں جی شاہِ ولا
نام تئی کستے ءِ اگاں گپتگ پہ بدی

داگ و تا داگِ ماہمک بند بند ءِ رگ ءِ
دل دل ءِ بکشاگ ترازا ناں ماکدی

کنت دل ءِ چار کُل ءِ منی رزناسیہ شپاں
پمبھیں دیم گوں آمرطیں رگاں کاگدی

ماوت ءِ پشت گیتک چہ پیل ءِ کُٹ ءِ مرزدہ ءِ
چ نہ کُست امروز ءِ بدیں کارے پہ ردی

نہا

سرگرگ

نپتے ءُ بیر انت گپ گشتے مئے
 زرد ءُ هاوند انت زدگ
 هست ءُ گلباگ ءُ گرطان انت
 وهده ءُ هاك شانیں مدگ
 لله ئیں دودے کھمیت ءُ
 ترا س دیان انت بے کساس
 گرا ئلیں بار یگ ءُ سوب ءُ
 بے انانیں تھ گدگ

چُش مبیّت روچے ترا
 کتے آھیروں بکنت
 راستی ء کشگ ء نہ بیت
 بُراتے سے گام ء برگ
 جَلّ اتگ ماپہ مرادے
 زند من شاگیں گوانزگ ء
 دوزھس یاتانی جاگرد ء
 کہ تئی رُستگ مرگ !
 ہنچش ء نزیک چہ من !
 اومنی چہمانی روک !
 چو کہ زگریں روچ ء جند
 ساہگ ء دست ء گرگ
 ماتئی شوہاز ء تو مئے
 ہست ء نیستیں دلبرئے
 بید تو یک منزله
 گوں مانہ بیت انت سرگرگ

منی بیل

بیل منی هُشکین بیده ء دار انت
سرملکین کوه انت گیده پیتار انت

بونڈ ء آئشک انت جور ء لیوار انت
نشو، ماتکینک، گز ء آوار انت

کبڑ ء جگر انت شیر ء تجارت انت
لاگر ء پیرس اُشتری بار انت

لُرد ملوگین کو چگی هار انت
کونری جھت ء پٹوی دار انت

یا کلیر انت که گنٹگ ء بار انت
نیم گنوگ انت ء نیم سر ء سار انت

بھت ۽ بتالیں نیست ۽ نیزگار انت
پاس شپ چھاریں بام ۽ استار انت

دلبریں دوست ۽ چم ۽ رخسار انت
مید ۽ ماہی گریہی ڈالچار انت

بوم ۽ لٹو کیں بخت ۽ یکدار انت
ہم دہیں ہند انت شھر ۽ بازار انت

عافل ۽ دانائیں نکوکار انت
لنگر ۽ لوچ انت بزگر ۽ وار انت

یامنی پیس کہ گماں بار انت
امرے ۽ پڑیں دوست ۽ رہچار انت



یکے ساڑات ءُ سد چہوت زہر کُت
تو دگر رنگے زندماں بھر کُت

دستی ءُ داشت ءُ دستے دات تیلانک
ماراوشان ءُ دل مئے کھر کُت

سیوی ءُ گند اواہ جت اُنت ڈنگاں
سیت ءُ گنجانی بیلہ ءُ چھر کُت

بمبوئیں بچسانی ہُدا یار بات
پوپلین باریگ ءُ نشوں دھر کُت

جی ہُداوند گنج ءُ سیتانی !
سرفراز یکے ، یکے بے بھر کُت

نی منند شوہاز اوست ءُ دوستانی
مہتر ءُ میراں مارا شر بھر کُت



نیست ءُ ڈکالیں دوستی ءُ ہارے شرِ بمل
آتکگیں تو پان مئے دل ءُ گواش بیاجل

صحبت ءُ چاپ انت میتگ ءُ ہلک ءُ کلگاں
وشی ءُ باریگ ! وشل دل ءُ وشرنگیں مھل

بید تو چوں گیت دل مئے تاہیر ءُ کرار
سج ءُ ساہیلیں ! شل دل ءُ ہند ءُ نودی شل

الم ءُ جزماں من دل ءُ گودی سمبھیت
سمبھنت ساپ ءُ گردکیں تل ءُ سنگ ءُ دل

جی دل ءُ دشت ءُ روشن ءُ جمبوریں چراگ
ہائل ءُ یاتانی گیں احوال ءُ ، بے بل



نور خان بن سنجو غزل

زرد و زہیر زامریں در چک و کہ برکتگ
گوں جند و ساہگ و گوں مانشتہ ہبرکتگ

چکاس ئے باریں چون تو مارا اے زندگی
تئی گریشگ و گیاہاں دل و بیم درکتگ

پما دودانک گنجے تئی رگانی بینگیں
ندریگاں ماہیں دیم کہ پتا تو گورکتگ

ملائی بند و تائی و میائی ٹک و ٹاک
تئی ہاتر و نزا ناں چے چے ہنرکتگ

شوہاز مرا تے شالا گوم و گواہ امینی
رنجانی گلز مین و سیہ گوات و سرکتگ



سجدہ دردے گے نماز کتگ
مامسیت ء ہم اشک ء واز کتگ

پماپال ء فجن ، مہ بند ماسگ
گنڈاں گشتگ ، سفر ماباز کتگ

چون سھڑین ئے پتلاے
ماکہ دریایے درد ء گواز کتگ

تو کسانیں ہم داشت نہ کت گئے
تئی بلاھیں ہر ماراز کتگ

بسیں بسیں کہ کس نزانٹ شوہاز
دل سروزیک ء تو کہ ساز کتگ



پلیں بالادے باگ ء بھشتیں بدن
دست و دست ما بزرگ بکشتیں بدن

دلاں زندبخشیت، سراں هوش دنت
طلاہ گونگ ء سھر ہشتیں بدن

تو اب گرت ما زند ء روچاں دھیں
اگاں رت پاک ء بہ اشتیں بدن

وقی دین ء ایمان ببا داتگات
دما نے مناگوں بہ نشتیں بدن

بلے ہاں شوہاز مئے چونہ ات
گل ء ہاکیں پہ دست مہ کشتیں بدن



سوچنت گم گل ء بالاحپیں
ٹاکور ء شگان وں اچیں

کونجانی رم ء شاہی میڑھ
آسیگ کن آنت پُر اچیں

الّٰہی شپ ء زگریں روچ
باریگ برنو آنت آماچیں

ہیتی مٹو ء دروگیں دروت
تھتیک کن آنت پورتاچیں

عمدی کسہ ء گپ وٹیں
سرہوش ء پلنت پُر چاچیں

مسکیں ترانگ ء جودی گواپ
دردیگ کن آنت کاچاکیں

یٹو بیرگیں شوہا ز ات
ڈیل ء دروہیاں گیگ تاچیں



نے ترا نگے پہ دوستے نے واہگ ء و پایے
اگاں بے وقی ہمیشہ انت کو لیگاں من ہدا ء

برگشت یات ز گریں ، پہ من جہان برگشت
گون ات شپان ء رنج ء بیگانہیں صبا ہ

زند ء بھشتیں واہگ ، وا تر کن ء پدا بیا
منی آدمیں حیاں ء سر بستگیں حوائے

بیا د لو تیں گمان ء اوستانی پائیک ء بر
زور وا بھیں امیکر نام گپستیں کدھدا ء

تنیگیں راہتانی ، میتا پیں گلزمین ء
تو مے مرادیں مھر ء ، توک کیشک ء تجکیں راہے

شوہاز مزان کر زانے ، مے زانت زانگ ء تو
نے بیتگاں بدل من ، تو ہنگت ء ہمائے



لوٹے شوہاز ء تووت ء لوٹے
 لوٹ لوٹوک تو اھوت ء لوٹے
 گاھے شنزے ء تم کنے گاھے
 شیر شھد تا میں لذت ء لوٹے
 دلگوں بے سیتیں پوراں بستگ تو
 مڑے استالیں محبت ء لوٹے
 وتھبکہ انت رب العزت کہ
 چون تو امروز ء جنت ء لوٹے
 لیب ء گوازیگ ء دل نہ انت چیزے
 کدکت ء لوٹے ، کدبت ء لوٹے
 زاناں کد بخشا تگ ڈیھ ء میتگ — ما
 لوٹے شال ء تو کلمت ء لوٹے
 ندر ء کولیگاں پہ تو دلبر من
 یک سر ء شاہیں گم جت ء لوٹے
 ما کہ شوہاز کت نہ کت پہ وت
 بے وتیں پر چا بے مت ء لوٹے

۱۰۲
کدے من کد گشاں، کدی نہ گشاں
دمک مے بے پلاں ہنگت مے ہمیشاں

دیان انت سوج مناں وت زانگ مے زانت مے چہ زہر
کیا من چے بجشاں مے کب مگشاں

نہ روت شہرے جنکائی درو شم مے سیاہی
پن مے مزداک ستر، اہوت مے بموشاں

سیر مے سیر لاپ نہ بنت پہ چنٹرک مے نان مے
تمائے داں آوتی یاروک مے نکشاں

سائے بھرے منی، جندے کپے تو
ترا شموشاں بزاں وت مے شموشاں

وتیگاں! گوں وت مے گون کن کے ڈول مے براہاں تئی
مناں تئی کید سرے سد برے مگشاں

نئے تیا بائے، نے زرمے لخبیں
موجیں اومان! من پہ کیا بیردشاں

لنٹاں سوچاں وتیگاں وت شوہاز
گیش چہ لھڑیں اگس مخیل مے بجشاں

عارف ۱۰۳

گلزار نورخان بنرجو



تو کتگ ہنچو مئے دل ء جاگ ء
سرپنگ انت ہجکیں پل گتے باگ ء

من مریدان ء ہسانی ء لوٹاں
پرہمک بند بند ء دیاں داگ ء

نیست کلیپ سرینے درگتیں یگے
شال ء بمپور کوچو ء ناگ ء

مھرماں شاہیاں تورنگ مرچاں
گور ء بکالاں، اشک ء گلباگ ء

تو کدی سالونکی مراد دیستگ
سرچن ملّا چہ سراں پاگ ء

لہ جاگہ

نورخان بنرجو

بدر و نزدیک انت میتگ دل دوست و
گوم بدار بور و مھمیں واگ و

لبز دوئیں یک و ماء تو یگیں
من گشاں ماء تو گشتے ماگ و

خدا رحیم بخیر

سرنہ کنت دیریں منز لے الم
لڈتگ بار کہ تو وتی لاگ و

ز انگ اگاں دوست و دژ من و لوٹ و
بند بکن چماں و ست بی هاگ و

دوست تر انت سرحدی زھیر و نکے
چہ سر و ہندی پھتوس راک و

دپ ماں دپ گوں تو کہ نہ بنت گپتار
چیلک و راستیں چپ مکن براگ و

پر چا دلپروش و بڑگیں شوہار
مڑتگیں میلاں کس نہ جنت پاگ و

حدارِ حم شہیدؒ بی پروا
گناہے من گتگ نے من میارے
چیا دیریں برے ہلکے دیارے

اُمّؑ ترا نگاں سہتے بجلی ات
پمن وشیں بیٹ بلکیں توارے

پمیشکا ساہ مرچاں تلوسیت مٹے
نہ بیتگ مدتے گندو گدارے

گلیں بچکنگ تئی دانکے وشیں
پمن لکھو ہزارو ہزارے

ہمے اُمیت زرتگ تاپ کتگ دل
بیٹ سہتو بہ میچینیت بھارے

سُت اُنٹ شوہاز آروچ پہ براتے کس
بہ بندیت جابوؤ لانکاں قطارے

Wahed Majid Sasofy Baloch of Rakshani

چراگیں دیم ء ماہکان

چراگیں دیم ء ماہکان
 ودارے دوزھیں شپاں
 برے چو ذرین ء سمبھیت
 برے دلاں مئے آس جنت
 چراگیں دیم ء ماہکان
 چراگیں دیم ء ماہکان
 برے رنجیت برے رُ دیت
 برے چو ٹھمیں ترانگ ء
 دل ء تھا منی کُ دیت
 بود کنت دمانے ء
 ہزار ہزار دمان تُسیت
 برے چو کُور ء ہار کنت

سہیں سہیں بدن تئی
 سباہ تئی لھیں کند گانت
 زمین و سبز سبزیں کاہ
 گدانت تئی جان و جاگ انت
 سکانی برپ و سارنیں آپ
 پہ تو بھجوکیں ترانگ انت
 شپ انت تئی مید ڈمکیں
 بلندیں کوہ تئی پانگ انت
 گبیت و شکلیں تئی یات
 دل و ، دلیں ہزارنگ انت

گلاب درو شمیم جنک
 او ماہ دیمیں پڈ لک
 گدایں دل پہ توجنگ
 بیامں مھرء کوچکء
 وقی من زندء ہر دمان
 تئی و پاء ندر کتگ
 لفتاء پل کشتگاں
 زھیرء ملپدیں ڈلء
 توئے کہ زندگئے مدام
 چوگالء شیرکنیں، دلء
 رسینء روچے زاناں تو
 منا مرادے منزلء
 منی بیئے، تئی من باں
 سئلے ولے، سلء ولء

سہ
 مافکہ سنہی اس سہ
 ۱۰۸

۱۰۹

جالبار هست بات

داں جہاں هست انت جالبار هست بات
 مئے زہیرانی یات گار هست بات
 موٹل ء ماشین ء تچات انت ریل
 ہشتہر ء سیلنگ ء مہار هست بات
 ریڈو ء ٹی وی ، وی سی آر بات انت
 ٹیٹو ء ٹرانگانی توار هست بات
 گوات کن انت کنڈیشن عجب مرچاں
 کوچک ء زیدانی سحار هست بات
 دوست بنت مازا ٹریکٹر ء ٹرالی
 مئے کلا نچ بات ء مئے کوار هست بات
 دیر جنت مرگاناں ٹینگ وز میں
 مئے ہٹ ء تلکانی شکار هست بات
 پیمک سبز سبزیں ردا ت بیٹاں
 شہرو ء یر ماش ء گوہار هست بات
 بولی ء در منکلی زبان و شس انت
 مئے بن ء بھی گاوار هست بات
 گشتگیں شوہاز ء ہک گال ء
 کیسٹ ء نژو کیں نوار هست بات



ماں دل ءِ آتک ءِ واہگے ژند بیت
جی ہداوند کہ تئی درے بند بیت

پہ ما امروز ءِ سھب ءِ بیگاہاں
یک گے پیش ءِ یک گے ژند بیت

ماکہ ذروتانی کا درے تاجینت
سیاہلوٹپ ءِ ٹالویگ مند بیت

اگدہ ءِ ذکر ءِ چہ دماں زیباتیں
چیلکے چپیں مٹے گور ءِ بند بیت

ہاکم ءِ بگت ءِ گتری انت مھر یگ !
مولدیں دھر ءِ چک اشکند بیت



نور خان بزنچو

ياتانی سروز ساری بیا
 گوں تو گپ منا بازی بیا
 بیا که من تئی بالادء ،
 نازیناں هزار نازی بیا
 دوستء دیدگء ساهء گیش
 حدءء سیم سراں گوازی بیا
 پیداک انت املء هائل
 بازارء دلء وازی بیا
 زیاست کن مولماں تریاگیں
 بئن دے واهگاں دازی بیا
 دینء مھذبء علمء زانت
 مرچاں پہ بھسا گازی بیا
 شوہازء دلء هونگیں
 رنجء دوزخء گوازی بیا

مگو مار دم دل

راج و رہبر

آزما ناں اپد انک کہ بندے تو
 رہبر وک راج و ژند و پندے تو
 ساڑی و دیما و دے گشتانک
 لٹ و باریگ و درستاں رندے تو
 نو حطاں تیرانی کنے آماج
 گوا تگراں سارتیں مھربندے تو
 زیرے و وٹان و راج و ڈو بارے
 (دگوں) دشمنناں زند و بندے کندے تو
 نوش بکن گیکے زگریں ہوناں مئے
 منزل و گار و باریں پندے تو
 تو بھابیتے ملک بھاگت تو
 چو موکو و پرچا تہ بندے تو



شادہ ءُ گشت شد ءُ را ، شد ءُ گشت شادہ !!
 ہو بلے زانگ ءُ بے زانت نہ منیت انت بھ

سٹ ءُ سودا ءُ کسے ملکیں گور ءُ نگوزیت
 میر بہ بیت مہتر یا گند گشتگیں شیہ

پما بدواہ جم ءُ یک انت جہان ءُ کلّیں
 نے کسر کند سرتک نے سرتک کوچہ ءُ گرھ

دل گوں او ماں ءُ زہیراں چو نپاد ءُ تاب انت
 میتگ ءُ دمک ءُ دراں ترکنگ انت تئی گل میہ

مارا شوہا ز کن ءُے چون مئے مرگ ءُ رند
 پہ گدارے فی برودینیت کشارے بیدہ



کُتِ منا سرجیگ دُریں الماسء
چیردنت کونشیں واہگاں داسء

دُره گشت دگنیاتئی اَجَب شُرانت
مان نئیٹ ھچی بید تر لاس ء

داں سب اھیگ حبیڈ اتگ کوں وت
واب نئیٹ مارا ھچ شپ ء پاس ء

حبئی حور ء چا بڑیں غلمان !!
سو تک انت بے مھریں دوزھ ء آس ء

ھبک ور انت درد ء تریل انت اومان
سنگریت دل چو پرشتگیں تاس ء

آدگہ بنت کہ زان سراں واب انت
پل دپ ء آستیک گوات نکنت راس ء



برے چور و دے امپسیت
 برے گوں دستاں مھر میں
 تیر جنت، و تاس جنت
 چراگیں دیم ۽ ماہکان
 ودارے دوزھیں شپاں
 برے چور و دے نوک بیت
 برے چو نپت بیرئی ۽
 کپیبت ماں گیاب ۽ روک بیت
 برے چو جند ۽ ساہگ ۽
 دست ۽ گپیبت بران بیت
 برے چو کوہی چیدگ ۽
 راہ ۽ سوچ دیان بیت
 برے چو ماتو ۽ جُپیبت
 برے چو مات ۽ پاس جنت
 چراگیں دیم ۽ ماہکان
 ودارے دوزھیں شپاں

۶/۱۷۹

۶/۱۷۹

برے دل و کتاب بیت
 برے آ تا ک تا ک بیت
 برے ہیال انت برہنگیں
 برے سراں مٹے ہاک کنت
 دے، دمان و کلکشاں!
 چرم جنت و چاک کنت
 برے شریپیت برے شریپیت
 برے مٹے جیگ و لاس جنت
 چراگیں دیم و ماہکان
 و دارے دوزہیں شیاں



هزار دل به فروش ع هزار جان بستا پین
ترا دین ملاً هزار هون ما پین

وازوں بدل گُت ، نمازوں بدل کت
 برے گُتر گُگاء ، برے ترند حباکیں
 و پسے مسیت ءِ ہم بے دز نماز ءِ
 کونزگ سریناں کش ءِ پلے آپیں
 ریشاں سمارے ، بروتاں تو رندے
 تراشتگ برے سر برے گوک ٹاپیں
 تئی دیم اللہ ءِ سیاھیچک مُشتگ
 لاپ کوہ طور انت ، بڈ کوہ کا پس
 نہ بیت شات پمیک کورکیں دیارے
 وئی جنہ دائم تئی آپ لاپیں
 استال ءِ ماہ ءِ سرا آدمی شت
 گھینے زمین ترامن در حاپیں
 چتورھیر ءِ برکت بکشتے تو مارا
 کیسگ تئی ہالیک جنہ تئی کٹاپیں
 روا انت دوزھ ءِ آکہ تئی مکتبی انت
 گوں چرپیں زبان ءِ دلانش مواپیں
 کنے واز دروگیں مئے سھڑینگ ءِ تو
 روک ءِ تپ ءِ تو تئی دل ہلاپیں
 رواں جنت ءِ من ، تو پلے نہ لوٹے
 منی نیت ہکیں دلوں پھک ءِ ساپیں

AND FINALLY, ALL VERSES AND WORDS
 THAT SHOHA AZ RECITE AND SAY;
 MAY REMAIN ETERNALLY INTACT,
 ALL IN CASSETTES THAT EVER PLAY.

(RENDERED INTO ENGLISH BY MUHAMMAD BAIG BEGUL)

*A long beaten track of camels that runs across the border hamlets of Nigwar, Macchaat etc. down to the major towns of Mekran, like Tump and Turbat. While still a young kid, the poet used this never-ending path on foot to reach school and other habitations in vicinity. And so, with the passage of time, he developed a deep affection for this primitive track. It is in everlasting memory of those tender feelings coupled with toils and tribulations and the resulting nostalgia that the poet has chosen JAALBAAR as the title of his present collection.

(Translator's Note)

LET AUTOMOBILES, VEHICLES PLY,
 AND ALSO LOCOMOTIVE TRAIN;
 MAY THE CAMEL SURVIVE TOO,
 WITH ITS SADDLE, LITTER AND REIN.

RADIO AND T.V., YES,
 AND LET THERE BE V.C.R. TOO;
 MAY THE SWEET MELODIES OF BELLS
 CHIME AND OUTLIVE TOO.

COOL AND COSY IS WONDROUS A.C.,
 WITHOUT A SHADOW OF DOUBT;
 MAY THE WELCOME BREEZE OF DALES
 AND PASTURES ALSO BLOW ABOUT.

FAIR ENOUGH, TRACTORS AND TROLLEYS
 ARE ALL TO OUR LIKING;
 MAY OUR CUSTOM OF PICKING IN POUCHES
 KEEP ALONG HIKING.

HITTING GAME BIRDS WITH A GUN
 FROM A DISTANCE, IS ONE THING;
 MAY OUR CATCH OF PREY WITH TWINES-N-TRAPS
 ALSO GET GOING.

WILD AND LUSH UNDERGROWTH OF SPRING
 IS GOOD-EARTH'S BLESSING;
 MAY THE CORNS, PULSES AND VETCH
 GROW ALSO WITH TOIL-N-SWEATING.

ALIEN LANGUAGES AND DIALECTS
 ARE OFTEN GOOD AND WELL;
 MAY OUR DEEP-ROOTED MOTHER TONGUE
 SURVIVE AND SWELL.

MAY JAALBAAR SURVIVE FOREVER

**MAY JAALBAAR SURVIVE THE WORLD,
TILL ITS LAST BREATH;
MAY THE MEMORY OF OUR LONGING PERSIST,
WITHOUT BREAK.**

ردبندی

تاکریم	سرگال / سر بند	شماره
۸	پیش گال	۱
۱۹	دنیا بے چوبیتگ	۲
۲۲	کشت انت	۳
۲۴	وشتیں باندات	۴
۲۶	سنگین	۵
۲۹	پداکایاں	۶
۳۱	بس	۷
۳۳	تو نمیرائے	۸
۳۶	شت انت	۹
۳۸	پیدا کاں	۱۰
۳۹	تمل	۱۱
۴۱	گال	۱۲
۴۳	منی جندے	۱۳
۴۴	لڈوکیں کیوت	۱۴
۴۶	زروک	۱۵
۴۷	پل گد	۱۶

شماره	سرگال / سر بند ۱۲۴	تاکدیم
۳۶	زندہ اومان	۷۵
۳۷	حمید جان ۽ نام ۽	۷۶
۳۸	آس	۷۸
۳۹	واجکار	۷۹
۴۰	بھار سنج	۸۱
۴۱	آتک انت	۸۳
۴۲	زرد ۽ گنوی ماء تو	۸۴
۴۳	بیا زھیر دل بریں	۸۵
۴۴	برے و شیس بیگاہ	۸۶
۴۵	تو	۸۷
۴۶	مھیر ۽ شنگ	۸۸
۴۷	مدی	۸۹
۴۸	سرگرگ	۹۰
۴۹	منی بیل	۹۲
۵۰	یکے ساڑات	۹۴
۵۱	نیت ۽ ڈتالیں دوستی ۽	۹۵
۵۲	زرد ۽ زھیر زامریں	۹۶
۵۳	سجدہ دردے گے نماز کُتگ	۹۷
۵۴	پلیں بالاد ۽ باگ ۽	۹۸
۵۵	سوچنت گم گل ۽ بالاچیں	۹۹

شماره	سرگال / سر بند	تاکدیم
۱۷	گون بیت	۴۸
۱۸	باؤ بند	۴۹
۱۹	زگریں زھیر	۵۱
۲۰	مجلیں گندیم	۵۲
۲۱	ابیت کیں ترانگ	۵۳
۲۲	کد کائے	۵۵
۲۳	تپاک	۵۶
۲۴	زپتیں زھیر	۵۷
۲۵	نیست انت جھانء تئی بدل	۵۸
۲۶	دردانگ	۵۹
۲۷	پروش ات سانکلاں دستانی	۶۰
۲۸	سر مچار	۶۱
۲۹	ھمبل	۶۳
۳۰	ذوالفقار علی بھٹو	۶۴
۳۱	آسے کہ بِن انت	۶۶
۳۲	مھر	۶۹
۳۳	ھستء جھان	۷۱
۳۴	دایانی کھیب	۷۲
۳۵	گیمرتگیں پتل	۷۴

تاکدیم	سرگال / سر بند	شمارد
۱۰۰	نے ترانگے پہ دوستے	۵۶
۱۰۱	لوٹ ۽ شوہار ۽	۵۷
۱۰۲	کد ۽ من کد گشاں	۵۸
۱۰۳	نوکتگ ہنچو مئے دل ۽	۵۹ ✓
۱۰۵	گن ۽ من کنگ	۶۰
۱۰۶	چراگیں دیم ۽ ماہکان	۶۱
۱۰۸	گلاب درو شمیم چنک	۶۲
۱۰۹	جالبار ہست بات	۶۳
۱۱۰	ماں دل ۽ آتک ۽ واہگے ژند بیت	۶۴
۱۱۱	یا تانی سرور سازیں بیا	۶۵ ✓
۱۱۲	راج ۽ رہبر	۶۶
۱۱۳	شادہ ۽ گشت شد ۽ را	۶۷
۱۱۴	گت مناسر جگ	۶۸
۱۱۶	برے چور و د ۽ امپست	۶۹
۱۱۸	ہزار دل بہرہ	۷۰



